

Faruk Selmanović
Zastupnik u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
Kolegiju Skupštine Kantona Sarajevo

Uputiti: Vladi Kantona Sarajevo

PREDMET: INICIJATIVA

Poštovani,

U skladu sa članom 213. Poslovnika Skupštine Kantona Sarajevo, podnosim inicijativu Vladi Kantona Sarajevo da putem Ministarstva saobraćaja i Ministarstva zdravstva Kantona Sarajevo, pokrene proceduru za obezbjeđivanje besplatnog javnog prevoza na području Kantona Sarajevo za dobrovoljne davaoce krvi.

Obrazloženje

Dobrovoljni davaoci krvi svojim humanim činom spašavaju mnoge živote i predstavljaju primjer društvene solidarnosti koji je posebno važan u današnjem vremenu. Nažalost, i pored kontinuiranih potreba za zalihama krvi, odziv građana na akcije dobrovoljnog darivanja nije uvijek na zadovoljavajućem nivou.

Ova inicijativa ima za cilj, da na simboličan, ali i vrlo praktičan način, Kanton Sarajevo iskaže zahvalnost dobrovoljnim davaocima krvi, te da dodatno motiviše druge građane da se uključe u akcije darivanja krvi. Predlažem da se realizacija omogući kroz model prema kojem bi dobrovoljni davaoci krvi, svaka tri mjeseca, dostavljali potvrdu o darivanju krvi u KJKP „GRAS“, na osnovu čega bi im se izdavao kupon za besplatan javni prevoz za naredna tri mjeseca.

Na ovaj način:

- direktno bi se pomoglo i rasteretili budžeti onih koji nesebično daju dio sebe da spase tuđe živote,
- povećao bi se broj dobrovoljnih davalaca, čime bi se unaprijedila sigurnost zdravstvenog sistema,
- te bi se dodatno jačao osjećaj društvene solidarnosti u Kantonu Sarajevo.

Pozivam nadležne da ovu inicijativu razmotre i u što kraćem roku pokrenu sve potrebne aktivnosti kako bi se što prije omogućilo besplatno korištenje javnog prevoza za dobrovoljne davaoce krvi u Kantonu Sarajevo.

S poštovanjem,

Sarajevo, 9.7.2025. godine

Faruk Selmanović, Zastupnik u Skupštini Kantona